



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXIV No. 11
Hulyo 7, 2003
www.philippinerevolution.org

Editorial

Bunalan pa ang rehimeng Arroyo sang mga taktikal nga opensiba


Ginapanginbulahan sang Partido Komunista sang Pilipinas (PKP) ang isganan nga mga Pulang kumander kag hangaway sang Bag-ong Hangaway sang Banwa (BHB) sa madinalag-on nga taktikal nga opensiba nga ginlunsar sa nagkalain-lain nga bahin sang pungsod sining nagtaliwan nga tatlo ka simana.

Ginakalipay sang mga rebolusyonaryong pwera kag masa sa bug-os nga pungsod ang nagabanaag nga mga taktikal nga opensiba sang BHB sa Samar kag Compostela Valley nga nagresulta sa pag-agaw sang madamu-damo nga numero sang armas kag pagpapas sa mga pasistang tropa sang kaaway.

Ang mga ini nagasanto sa pangkabilugan nga rebolusyonaryong linya kag sa panawagan sang ika-11 Plenum sang Komite Sentral sang PKP nga pasingkion ang rebolusyonaryong armadong paghimakas sandig sa paglapad kag pagbaskog sang rebolusyonaryong baseng masa kag kadungan sa pagpasulong sang antipyudal nga paghimakas sang masang mangunguma sa kaumhan.

Kongkretong sabat ini sa mabaskog nga kagustuhan kag kinahanglanon sang pumuluyo sa tunga sang tuman nga pagpanghimulos kag pagpabudlay sa ila sang reaksyunaryong rehimen. Ang mga taktikal nga opensiba nga ini kabahin sang pagpasingki sang nagkakalain-lain nga tipo sang pagbatu sang pumuluyo sa papet, militarista kag garuk nga rehimeng Arroyo.

Ang pagpasingki sang mga taktikal nga opensiba kinahanglan man agud maarmasan ang hangaway sang banwa kag dugang pa ini nga mapadaku, mapabaskog kag mas makasabat sang maayo sa nagadaku nga katungdanan sa pagpasulong sang inaway banwa.



Ginapakita sang mga ini nga napaslawan ang militarismo kag ang ginapabugal nga “all-out war” sang rehimeng Arroyo batuk sa BHB. Bunga sang mga kadalagan sang Ikaduha nga Dunganon nga Kahublagan Pagpanadlong kag bilang pamatuod sa kahustuhan sang linya sang malapnagon kag nagaikit nga pagpakig-away gerilya sandig sa nagapalapad kag nagapadalom nga baseng masa sa subong nga halintang sang paglunsar sang madugayan nga inaway sa Pilipinas, padayon nga nagabaskog ang BHB sa bug-os nga pungsod. Nagaangkon ini sang nagapalapad nga suportang masa kag nagaani sang padayon kag nagadamo nga kadalagan. Labi nga nagadasig ang pagsulong sini bunga sang labing pagkahamulag sa masa sang reaksyunaryong gubyrno sa nagatinambak kag indi malubad-lubad nga mga problema. Labi pa ini nga ginapalala subong sang nagabug-at nga ob-

***Mga tampok sa
isyu nga ini...***

**Nagalapnagon, naga-
sunson ang mga TO sg
BHB**
PAHINA 3

**Rebolusyonaryong
unionismo sa Central
Luzon**
PAHINA 5

**Away sg mamumugon
sa Lepanto Mining**
PAHINA 9

ligasyon sa mga utang sa luwas sang pungsod kag nagapadaku nga badyet sa galastuhan militar.

Nagakalipong ang rehimen sa pagpaminsar kon paano palungon sang hitad nga hitad nga pwersa sang AFP ang paglapta sang kalayo sang rebolusyonaryong armadong paghimakas sa nagakalain-lain nga bahin sang pungsod. Bisan daku na ang AFP, sarang lamang sini makonsentrahan sang pwersa ang pila ka prenteng gerilya. Bisan sa mga nasakupan sini nga prente, indi sarang mapirme sang AFP sa kada hilit ang presensya sini. Sadto pa man, kadam-an sa mga batalyon sang Philippine Army, Marines kag Special Forces ang nadestino sa mga prenteng gerilya sang BHB. Sa kamatuoran, bisan sa Mindanao, mas daku nga pwersa sang AFP ang ara sa mga prenteng gerilya sang BHB sangsa mga erya sang MILF, Abu Sayyaf kag iban pa nga pwersang Moro.

Sining Hunyo, napilitan ang rehimen nga kuhaon ang pila ka tropa nakakadeploy sa batuk sa MILF agud ipwesto sa mga prenteng gerilya sa Samar. Gindugang ang

duha ka batalyon kag isa ka Reconnaissance Company sa Samar pagkatapos ang duha ka madinalag-on nga opensiba sang BHB didto. Isa na diri ang 14th IB nga ginsaylo sadtong 2001 sa Sulu agud tapnaon ang nagabaskog nga pagbatu sang pumuluyong Moro sa lugar. Ginmandu man ni Arroyo sa pulisya kag lokal nga gubyrno nga pun-an ang mga erya nga indi masakup sang AFP.

Ang pagdugang sang mga tropa sang AFP nga nakadeploy sa pila ka prenteng gerilya pat-ud nga magresulta sang mas malaparan kag mas malala nga pagpang-abuso sa pumuluyo. Sa amo man, magahatag man ini sang mas madamo nga target sang mga taktikal nga opensiba sang BHB.

Sa wala paglaum nga magmadinalag-on ang reaksiyunaryong pwersa militar batuk sa rebolusyon, wala sang iban nga dalagnan ang rehimen Arroyo kundi ang imperyalismong US. Sa pakighimbon kay Pres. George Bush sang US, dugang nga ginainsister ni Arroyo ang interbensyon militar sang US. Ginahimo ini nga numero uno nga pamahog kag gusto himuon nga pangunahon mag-

atubang sa nagabaskog nga mga rebolusyonaryong pwersa sa pungsod.


Sa mandu sang imperyalismong US nga lapakon ang sugilanon pangkalinungan, daw buang nga ginapahog sang rehimen ang pagdula-epekto sa Joint Agreement on Safety and Immunity Guarantees (JASIG). Kon usisaon, madugay na nga ginbasura sang rehimen Arroyo ang JASIG. Direkta sini nga ginlapas ang kasugtanan sang maghimbunanay ini sa imperyalismong US nga ideklarar nga "terorista" ang PKP kag BHB. Sa amo man, labag sa JASIG ang pagpasaka sang himu-himo nga kriminal nga kaso kag nagapadayon nga pagpresyur kay Ka Jose Ma. Sison.

Ang amo sini nga mga tikang sang rehimen Arroyo nagbalewala sa pagtinguha ni House Speaker Jose de Venecia sining Hunyo 28 nga liwat buhion ang sugilanon pangkalinungan. Agud liwat mabuksan ang pagsugilanon, kinahanglan bawion ni Arroyo ang nauna sini nga kampanya sa US kag Europe nga ikategorisa nga "terorista" ang PKP kag BHB kag si Kaupod Sison.

Agud tukuran ang deklarasyon nga "terorista" ang PKP kag BHB nga padayon nagapamatuk kag nagapanginwala sini, nagahimu-himo naman subong ang rehimen Arroyo sang lain-lain nga kabutigan, lakip ang akusasyon nga imbolbado sa iligal nga droga ang BHB kag nagamantenar ini sang mga plantasyon sang marijuana sa mga sonang gerilya. Ugaling madali man mapanginwala ang tanan nga ini kag nagakahayag ang kamatuoran nga ang AFP, PNP kag mga pinuno sang gubyrno mismo ang amo sa likod sang negosyo sang iligal nga droga sa pungsod.

sundan sa "Editorial," pahina 3

ANG BAYAN Hulyo 7, 2003

 <p>Tuig XXXIV No. 11 Hulyo 7, 2003</p> <p>Ang Ang Bayan ginabantala sa lengwahe nga Pilipino, Bisaya, Iloko, Hiligaynon, Waray kag Ingles. Mahimo ini i-download halin sa Philippine Revolution Web Central nga makit-an sa: www.philippinerevolution.org. Nagabaton ang Ang Bayan sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan. Malab-ot kami paagi sa e-mail sa: angbayan@yahoo.com</p>	
Kaundan	
Editorial	
Bunalan pa ang rehimen sg mga taktikal na opensiba	1
Madinalag-on nga TO	
Nagalapnagon, nagasunson	3
Wala kasamaran ang BHB	4
Mga Koresponsal	
Rebolusyonaryong unyonismo sa Central Luzon	5
Welga sa Central Azucarera de Tarlac	7
Away sg mga mamumugon sa Lepanto Mining	9
Balita	11
<p>Ang Ang Bayan ginabantala duha ka beses kada bulan sang Komite Sentral sang Partido Komunista sang Pilipinas.</p>	




Nagalapnagon, nagasunson

Nagalapnag kag nagabwelo ang mga taktikal nga opensiba sang Bag-ong Hangaway sang Banwa (BHB). Humalin Hunyo 16 tuhtub una nga simana sang Hulyo, sunod-sunod nga mga pag-ambus, pagpanalakay kag iban pa nga aksyong militar batuk sa nahamulag kag magagmay nga tropa kag detatsment sang Philippine Army, Philippine National Police kag Citizens' Armed Forces Geographical Units (CAFGU) ang gintigayon sang mga Pulang hangaway.

Pinakatampok diri ang pagsalakay sa kampo sang 52nd IB sa Eastern Samar sadtong Hunyo 26 kag ang paglutos sang BHB sa nakabunggo nga mga tropa sang 60th IB sining Hunyo 30 sa Compostela Valley sa timog Mindanao. Sa kabilugan, may nalista nga 42 kaaway ang napatay samtang 23 ang napilasan. Nakapunpon ang BHB sang 39 armas kag nanari-saring kalibreng mga bala kag kagamitan militar.

Compostela Valley. Isa ka M203, walo ka M16, tatlo ka M14 kag isa ka teleskopyo ang naagaw sang BHB



halin sa naengkwentro nga isa ka platon sang 60th IB bandang 1:30 sang hapon sining Hunyo 30 sa Baryo Pansabangan, New Bataan.

Napulo suldado, lakip ang kumander nila nga si 2nd Lt.

Peter James Angeles, kag tatlo ka elemento sang CAFGU ang napatay samtang lima pa ang napilasan sa inaway. Suno sa report sang Merardo Arce Command, nakaengkwentro sang 36-katawong yunit sang BHB ang

"Editorial," halin sa pahina 2

Pareho sang pag-abang ni Arroyo sa sugilanon pangkalinungan sa tunga sang GRP kag NDFP, ginabalabagan man sini ang sugilanon sang GRP-MILF. Ang pagdeklara nga "terorista" ang MILF kag pagpapanaog sang mandamyento de artesto batuk sa mga lider sini ginhimo sang GRP agud mangin daku nga sablag sa pagpadayon sang sugilanon.

May ikasarang ang BHB para labi pa nga pasingkion ang rebolusyonaryong armadong paghimakas. Muklat permi ang BHB nga sa pagkonsentrar sang AFP sa iban nga partikular nga erya, nabayaan nga bukas kag halog ang mas madamo nga iban pa. Bisan nakakonsentrar, permi nga relatibo may mahina nga bahin ang pwersa sang kaaway nga importante tumuron kag bunalan.

Indi mapungan sang rehimeng Arroyo ang pagbwelo sang armadong paghimakas labi na subong nga padalom nga padalom ang ginahagmakan nga krisis sang nagaharing sistema. Bangkarote ini kag putos sang kagarukan, kurapsyon kag mga banggianay. Ang rehimeng Arroyo labi nga ginakaugtan kag nahamulag sa pumuluyo.

Sa pihak nga bahin, padayon nga nagalapad, nagadalom kag nagabaskog ang rebolusyonaryong hublag sa bilog nga pungsod. Magkatimbang sini nga ginasulong ang armadong paghimakas, rebolusyong agraryo kag pagtukod sang baseng masa. Muklat nga nagaangtanay kag nagabuligay ang nagkalain-lain nga sakup kag bahin sang rebolusyonaryong hublag, amo man ang kahublagan sa kaumhan kag kasyudaran. Makahason sini nga ginapalapad ang pungsodnon nga nagahiliugyong prente samtang nagaangkon ang rebolusyon sang madalom kag malapad nga suporta sang pumuluyong Pilipino. AB



nasambit nga mga tropa. Samtang nagabayluhanay sang lupok, nagmaniobra ang isa ka iskward sang BHB agud agawon ang mas mataas nga bahin sang lugar sang engkwentro. Madasig nga nakapangibabaw ang mga Pulang hangaway.

Eastern Samar. Maayo nga nagamit sang mga Pulang hangaway ang elemento sang sorpresa, kamoplahe sang dulom kag mabas-kog nga ulan agud madinalag-on nga lutuson ang *patrol base* sang "A" Company sang 52nd IB sa Barangay Cagpili, Oras sadtong Hunyo 26. Ginsugdan ang reyd bandang 4:30 sa kaagahon kag naglawig sang duha ka oras ang away. Bangud sa kalayuon sang lugar kag kabudlayan sang ruta pakadto didto, wala gilayon makapadala sang reimporsment ang kaaway.

Nakaagaw ang BHB sang pito ka M16, lima ka M14, isa ka *grenade launcher*, siyam ka Garand kag duha ka karbin. Lima ka suldado kag 10 katapu sang CAFGU ang napatay. Nadalahig man ang asawa sang isa ka suldado. Duha ang napilasan. Antes mag-atras ang mga gerilya, ginsunog nila ang detatsment.

Ang reyd nga ini pangaduha na sa Eastern Samar sa sulod lamang sang isa ka simana. Sadtong Hunyo 22, sinalakay man sang BHB ang istasyon sang pulis sa sentrong banwa sang Quinapondan. Kadungangan sini, ginhalughog sang mga Pulang hangaway ang mga balay sang mga pulis kon sa diin nakakumpiska sila sang isa ka M16, isang .45 kag isang .38. Napilasan sa nasambit nga reyd si Insp. Cayetano Gannaban, hepe sang pulis sang munisipyo.

Abra. Isa ka suldado sang Special Operations Team sasng 17th IB ang napatay kag isa pa ang napilasan sa isa ka ambus sang

Agustin Begnalen Command-BHB sa Sityo Tapayen, Barangay Alaoa, Tineg sining Hulyo 2. Pakadto sila, upod ang tatlo nilang giya, sa ila *command post* sang ginhimo ang pag-ambus.

Zambales. Isa ka suldado sang 24th IB ang napatay kag tatlo pa ang napilasan sa duha ka separado nga inaway sa San Marcelino, Zambales. Napatay ang isa ka suldado sang salakayon sang BHB ang detatsment sang 24th IB sa Barangay Adlao sadtong gab-i sang Hulyo 16. Napilasan naman ang tatlo ka suldado sang ambusan sila sang mga Pulang hangaway sa Sitio Igtanglew masunod nga adlaw. Ang nasambit nga suldado kabahin sa pwersang reimporsment na nagtabang sa detatsment. Ginpalukpan sang BHB sang *landmine* ang ginasakyan nila nga V-150 *armored personnel carrier*. Nanigin martir sa inaway si Reggie "Ka Cesar"

Espinosa, isa ka mamumugon halin sa San Simon, Pampanga nga nagentra sa BHB sadtong 2000. Baliskad sa pahayag sang AFP nga siyam ang napatay sa BHB, hilway nga nakaatras ang iban nga Pulang hangaway.

Sining Hulyo 5, siyam ang patay kag gindala sa ospital ang limang tropa sang Regional Special Action Force kag 315th Provincial Mobile Group sang Zambales PNP pagkatapos makaengkwentro ang isa ka yunit sang BHB sa Barangay Maguisguis, Botolan.

Quezon. Anum ka tropa sang 59th IB ang napilasan sang tuyo nga liputon ang ginakampuhan sang BHB sa Sityo Kinasakitan, Barangay Canaway, General Nakar sining Hunyo 28. Pinalukpan sila sang *claymore mine* sang BHB. Sa sobra isa ka oras nga inaway, duha ka Pulang hangaway ang dungganon nga naghalad sang ila kabuhi. AB


Wala kasamaran nga gin-angkon ang BHB sa engkwentro sa Pampanga kag Zambales - Ka Roger

Isa ka daku nga kabutigan. Ini ang reaksiyon ni Gregorio "Ka Roger" Rosal sa ginbalita sang AFP nga 15 Pulang hangaway ang napatay sa engkwentro sining Hulyo 4 sa banwa sang Sasmoan, Pampanga kag 20 naman sa inaway sa Botolan, Zambales sining Hulyo 5.

Suno sa report sang Josefino Corpus Command (JCC) sang BHB sa Central Luzon, wala sang namatay sa kubay sang mga gerilya. Ginapat-ud pa sang JCC ang report nga indi magnubo sa siyam nga suldado ang napatay sa nasambit nga mga engkwentro.

"Sa mandu sang Malakanyang kag sang mga upisyal sang AFP, nagahimo ang militar sang dalagku nga kabutigan sa desperasyon nga pataason ang naganubo nga moral sang ila mga tinawo," suno kay Ka Roger.

"Umpisa makaagum sang dalagku nga kalutusan sa Samar kag Compostela Valley wala sang maipabugal nga isa ka kadalag-an, ang mataas nga kumand sang AFP kag mga tinawo sa propaganda nagaimbento na na lang sang sari-sari nga kabutigan agud tabunan ang ila mga kapastawan," siling ni Ka Roger. "Ang paglubid sang balas madugay na nga buhat sang AFP. Sa kamatuoran, ang mga pasista amo ang lubos nga butigon," dugang pa niya. AB



Madinalag-on nga pagtukod sang isa ka rebolusyonaryong unyon

"Mamumugon, maghiliusa! Wala sang madula sa aton kundi ang aton mga kadena!" Ining deklarasyon ni Marx matuod gid para sa mga mamumugon sang isa ka modernong pabrika sa Central Luzon. Sa sulod sang tatlo ka tuig, nanindugan kag naghimakas ang mga mamumugon diri tubtub natukod nila ang isa ka rebolusyonaryong unyon kag sa subong ginaani na nila ang mga pang-umpisa nga bunga sang ila pagtinguha.

Tuig 2000 sang ginsuguran ang pag-organisa sa pabrika nga nangin patag sang paghimakas kag ginkuhaan sang malahalon nga leksyon angot sa pagtukod kag pagpalig-on sang isa ka rebolusyonaryong unyon sa Central Luzon. Sa pabrika nga ini, naabtan sang rebolusyonaryong hublag ang pigos nga kahimtangan sang mga mamumugon. Moderno ang kagamitan kag sentralisado ang pagtrabaho pero nakapaidalom ini sa dumaan nga sistemang kabo. *Labor-only contracting* ang ginapatuman sadto nga sistema sa pag-empleyo. Ginapagguwa sini nga indi kapitalista ang naga-empleyo sa mga mamumugon kundi mga "kontraktor" nga wala ikasarang magpasweldo kag maghatag sang mga benepisyo. Kontraktwal kag wala paglaum sadto nga mangin regular ang mga mamumugon diri.

Wala sang natalana nga inadlaw nga sweldo. Ginabayaran lamang ang mga mamumugon santo sa kadamuon kag kalidad sang nahimo nga produkto. Wala sila sang kon anuman nga benepisyo. Kadam-an sa mga mamumugon nagaestar sa mga barung-barong sa isa ka lugar kon sa diin wala kuryente, tubig kag anuman nga alternatibong pagakuhaan sang pagkaon. Ang iban nagarenta lamang sa makitid nga espasyo sa mga barung-barong sang pareho nila imol.

Sa sulod sang isa ka tuig, natukod ang mga grupo pang-organisa kag komiteng pang-organisa nga nangin basehan para matukod ang sanga sang Partido sa sulod sang pabrika. Kadungan sini, ginaubayan sang mga kaupod ang natukod nga grupo para sa pagtukod sang unyon sa pabrika.

Madasig nga naglapta ang diwa sang tunay nga unyonismo. Indi nangin sablag para sa mga mamumugon ang magtukod sang unyon sa kahimtangan tanan sila mga kontraktwal.

Madinalag-on nga welga

Wala pa man pormal nga natukod ang unyon, ginainsister sang mga mamumugon sa kapitalista ang mga benepisyo nga madugay na nga gindingot sa ila. Bilang sabat, ginsipa sang kapitalista ang mga mamumugon nga pinakaaktibo sa pag-organisa sang unyon. Nagwelga ang mga mamumugon. Sa una nga sinimana, naparalisa nila ang bug-os nga produksyon sang pabrika. Pero nagmaniobra ang kapitalista. Nagkuha ini sang mga iskirol nga ginpasulod sa pabrika sa bulig sang mga pulis kag gintuyo bungkagon ang piketlayn. May mga adlaw nga madinalag-on ang kapitalista nga padayunon ang operasyon sa pabrika, may mga adlaw naman nga nagdaug ang mga mamumugon. Naglawing sang pila ka bulan ang amo sini nga adlaw-adlaw nga away.

Nakapursiger ang mga mamumugon sa mahaba nga panahon sa ila piketlayn sa pihak sang wala resorsa kag paliwat-liwat nga *harassment*. Bunga ini sang (1) mataas nga mapang-away nga diwa kag mabaskog nga suporta sang ila mga pamilya kag komunidad; (2) wala untat nga pagbulig sang iban pa nga unyon kag progresibong sektor; (3) maayo nga pagpakig-alyansa sa iban pa nga demokrati-kong sektor kag indibwal kag (4) husto kag napanahon nga pagatubang sang rebolusyonaryong armadong hublag sa halambalanon.

Bag-o kag samtang nagawelga, padayon nga nagalunsar sang mga pagtuon ang mga mamumugon. Lakip diri ang kurso sa tunay nga



unyonismo, mga kurso sa idalum sang Pambansa-Demokratikong Paaralan (PADEPA) kag mga Marxista-Leninistang pagtulunan. Matapos ang welga, dumoble ang katapuan sang Partido kag natukod ang tatlo ka sanga sini sandig sa ilig sang produksyon kag konsentrasyon sang mga mamumugon. Natukod ang komiteng tagapatuman sang sanga. Nag-abot man sa ginatos ang napauswag nga masang aktibista sa sulod sang unyon.

Nangin yabi man sa kadalag-an ang suporta sang mga organisasyong masa sa komunidad sang mga mamumugon. Kadungan sang pag-organisa sa sulod sang pabrika, gin-organisa man sang mga mamumugon ang ila komunidad kag ginhanda para sa paghimakas sang unyon. Natukod diri ang mga organisasyong masa nga ginhalian sang suporta kag lunsaran sang mga kampanya nahanungod sa iban pa nga halambalanon nga ginaatubang sang mga mamumugon. Naghiwat sila sang mga proyektong medikal, sibiko kag iban pa agud masabat ang kinahanglanon sang tanan sa komunidad. Natukod man diri ang sanga sang Partido.

Agud malikawan maipit kag mawasak sang kapitalista, gintinguha kag nagmadinalag-on ang mga mamumugon nga palaparon pa ang suporta sa ila welga kag organisasyon. Luwas sa suporta sang iban nga unyon kag organisasyong masa sa komunidad, nahabig nila ang mga tawong-simbahan, mga upisyal sang lokal nga gubyerno kag pati pila ka pwersa sang pulis. Ang mga ini ang nagbuhi sa mga mamumugon kag ila mga pamilya sa bilog nga panahon nga nakawelga sila. Daku nga bulig ang mga ginhimo nga imbestigasyon kag iban pa

nga ligal nga tikang sa mga kaso nga ginpasaka nila batuk sa kapitalista.

Daku man ang nabulig sang yunit sang Bag-ong Hangaway sang Banwa (BHB) nga nagahulag sa sonang gerilya nga nagasakup sa pabrika. Ginpaathag sang BHB sa kapitalista ang mga pagsulundan sang rebolusyon nahanungod sa pakigrelasyon sa mga kapitalista kag ila mga pabrika nga ara sa sona. Ginpaandaman sini ang kapitalista batuk sa paghimo sang mga tikang nga lubos ikasamad sa interes sang mga mamumugon kag ginpaathag ang silut para diri. Nanyutralisa sini ang kapitalista nga gilayon nag-untat sa paggamit sang kalakasan.

Bangud sa matarung ang ginapakig-away sang mga mamumugon kag determinado sila, napilitan ang kapitalista nga magpasugot sa ila mga ginademanda. Ginbalik sini sa trabaho ang mga ginkakas nga mamumugon kag nagpromisa magahatag sang mga benepisyo pareho sang SSS kag *medical pay*. Napadaug man sang mga mamumugon ang ila mga ligal nga kaso.

Sa subong, nagapursiger ang mga mamumugon agud pormal kilalahon sang kapitalista ang ila unyon bilang tiglawas sang mga mamumugon sa kolektibong negosasyon.

“Pagpa-entra sa hangaway”

Bangud sa kabaskog sang pagpanghimulos kag pagpamigos nga ginabatas sang mga mamumugon sa pabrika nga ini, indi mabudlay para sa ila nga hangpon ang kahustuhan kag importansya sang demokratikong rebolusyon sang banwa kag armadong paghimakas. Umpisa sa mga pagtulunan sa sosyedad kag kaugalingon nila nga inagihan, madali nila maangot

ang ila pag-antos sa iban pa nga sektor, ilabi pa madamo sa ila naghalin man sa sahing mangunguma. Aktibo subong ang unyon nila sa mga rehiyunal kag pungsodnon nga pangmasang paghimakas. Mapagsik sila nga nagatambong sa mga pangpulitikang mobilisasyon kag kampanyang masa sa guwa sang ulubrahan.

Pero ang pinakamatingkad nga kadalag-an sang unyon amo ang relatibong madamo kag padayon nga pagpaentra sini sang mga mamumugon sa BHB. Sa sulod sang tatlo ka tuig, nakapadala na ang unyon nga ini sang masobra 20 mamumugon sa nagkalain-lain nga prenteng gerilya sa rehiyon. Daku nga lukso ini sa nagtaliwan nga kabudlayan sang bilog nga kahublagan sang mamumugon.

Maid-id ginplano sang sanga sa sulod sang pabrika ang “pagpa-entra sa hangaway”. Ginapanday sini ang katapuan sang unyon paagi sa padayon nga pagtuon kag pagpartisipar sa mga lokal nga paghimakas kag pangkabilugan nga kahublagang masa. Sa kada programa, ginatalana sini ang target nga numero sang mga mamumugon nga idispusisyon sa BHB kag ginakampanya sa mga katapuan nga magboluntaryo. Ginakampanya man sini ang programa sa pag-integrar sang mga mamumugon sa mga yunit sang BHB sa sulod sang pila ka bulan.

Ginabululigan handa sang unyon ang mga katapuan nga nagpabutyag na mag-entra sa BHB. Ginatum-ukan sa ila pagtuon ang mga kurso nga makabulig sa paghulag sa kaumhan, pareho sang pagtuon sa rebolusyonaryong giya sa repormang agraryo, mga pagtulunan pangmangunguma kag iban pa.

Ginabuligan man sang unyon ang mga mamumugon sa pagpa-



ngalap sang mga gamit. Ginasiyuro sang sanga sang Partido sa unyon, katuwang ang sanga sa komunidad, ang kaayuhan sang mga nabilin nga pamilya. Sa kutob nila masaranggan, nagaamot ang mga mamumugon para sa basehan nga mga kinahanglanon sang mga pamilya. Sa sini, indi nangin sablag sa mga padre de pamilya ang magdesisyon mag-entra sa BHB.

Ang pabrika nga ini isa lamang sa madamo nga pabrika sa bilog nga pungsod nga ginahulagan ukon ginatukuran na sang rebolusyonaryong unyon. Ginatawag ini nga rebolusyonaryo bangud daku nga

bahin na sang unyon ang may makasahi kag rebolusyonaryong kamuklatan, bisan pa may ara nga naulihi nga bahin.

Malig-on ang istruktura sang Partido kag daku ang numero sang masang aktibista sa sulod sang pabrika. Ginaatubang sini ang pagpamuno sa matag-adlaw nga hilikuton sang unyon kag mga pang-ekonomya kag pangpulitika nga paghimakas sang masang katapuan, kadungan ang aktibong pag-amot sa ligal nga demokratikong kahublagang masa sa syudad kag armadong paghimakas sa kaumhan. AB

Welga sa Central Azucarera de Tarlac

Lumupok sadtong Pebrero 2003 ang kalayo sang pangkabilugang welga sang mga mamumugon kag mga mamumugon sa uma sa Hacienda Luisita kag Central Azucarera de Tarlac (CAT). Madasig ini nga naglapta sa ila mga komunidad tubtub sa naagum ang kadalag-an.

Ang Hacienda Luisita kag CAT ginapanag-iyahan sang pamilya nanday anay Pres. Corazon Aquino kag anay Rep. Jose Cojuangco Jr., nga subong isa sa mga adbayser ni Arroyo. Ini ang ikaduha nga pina-kadaku nga tagahimo sang kalamay sa pungsod kag ang nagasuplay sa

halos bug-os nga Luzon. Diri man ginarepinado ang 70% sang kala-may nga ginaangkat sang pungsod.

Masobra isa ka tuig nga ginpa-saka ang mga reklamo sang mga mamumugon sa maneydsment sang CAT batuk sa kontraktwalisasyon kag pagdula sang mga benepisyo

medikal nga nakasa-ad sa ila CBA (*collective bargaining agreement*) kag da-an ginabaton nila. Bangud sa pagmaniobra sang maneydsment kag sa dalag nga gawi sang pamunuan sang unyon, naglawig nga wala sang masamputan ang mga reklamo nga ini. Tubtub sadtong Disyembre 2002, labi nga nagbukal ang sitwasyon kag indi na makahulat ang mga mamumugon. Nagdesisyon sila nga padayunon ang ila pagbatu sang manugtapos na ang

kabyawan (pagtapas sang tubo). Ang pagparalisa sang operasyon sang galingan sadto nagpamahog nga magsamad sa relasyon ni Cojuangco sa iban nga agalon nga mayduta nga nagasuplay sang tubo sa CAT. Ginhabig sang mga mamumugon ang atras-abante pero maayo pa nga upisyal sang unyon kag ginhamulag ang mga dalag para isulong na sang bug-os nga determinasyon ang away sang mga mamumugon.

Enero 2003 na sang mag-umpisa ang lubos nga paghulag sang mga mamumugon sa empresa. Halin Enero tubtub temprano nga bahin sang Pebrero, naglunsar ang mga mamumugon sang serye nga ululupod nga paghulag agud ipamilit ang ila mga reklamo. Kadungan sini, ginsikway sang mga mamumugon ang korapsyon kag ekonomismo sang mga dalag nga lider sang unyon kag ginhawan ang dalan sa pagsipa sa mga ini.

Ginainsister sang maneydsment nga iligal ang mga paghulag sang mga mamumugon. Gintuyo sini nga ilansang ang unyon sa tuman kalaba kag wala katapusan nga negosasyon nga gin-interbenaran sang Department of Labor and Employment (DOLE).

Wala matiulang ang mga mamumugon kag sa baylo





nagdeklarar sila sang welga. Gilayon nga nagpagguwa sang mandu nga Assumption of Jurisdiction (AJ)¹ ang DOLE agud pungan ang welga. Sa pihak sini kag sang hayagan nga pagpanuhol kag pagpang-ipit sang maneydsment, militante nga gintukod sang mga mamumugon ang piketlayn sadtong gab-i sang Byernes, Pebrero 21, agud malikawan gilayon nga naatras ang mandu nga AJ ang welga.²

Masunod nga adlaw, untat ang operasyon sang azucarera kag nagapalibot na sa empresa ang 1,000 mamumugon kag ila mga tagasuporta. Nagsabat ang malapit nga komunidad sang mga mamumugon sa uma sa panawagan nga untaton ang trabaho kag magentra sa welga. Antes pa ang welga, naghiwat ang mga mangunguma sang rali nga gintambungan sang masobra 500 nga tagasuporta sa welga, lakip ang mga *tricycle driver*, iban nga mamumugon sa sulod sang asyenda, mga mamumugon sa uma, mga estudyante kag iban pa nga pumuluyo. Mas o menos 1,000 ang nagadugang sa piketlayn kada adlaw. Sa ikaapat ka adlaw, umabot na sa 4,000 mamumugon kag mamumugon sa uma ang militante nanindugan sa piketlayn. Wala sang nahimo ang maneydsment kundi direkta makipagnegosasyon sa mga mamumugon sa guwa sang proseso sang DOLE. Isa ka libo nga mamumugon kag mamumugon sa uma ang nag-atubang sa negosasyon.

Sa sulod sang tatlo ka adlaw nga negosasyon, nainsister sang mga mamumugon ang tanan nga demanda nila. Napabalik nila ang ila mga

benepisyo medikal kag nabasura ang polisiya sa kontraktwalisasyon. Nabuksan man ang negosasyon para sa pagpatuman sang mga wage order nga tuso ginkakas sa ulihi nga CBA. Nakapadipulos diri ang masobra 800 mamumugon sang CAT. Dugang pa, nainsister ang mga demanda sang mga mamumugon sa uma para sa pagpat-ud sang minimum nga 80

**Paagi sa nagapadayon
nga pagpaathag,
napamatukan sa katapuan
ang kalainan sang
ekonomismo kag iban pa
nga impluwensya sang
dalag nga unyonismo nga
madugay na nga nangin
sablag sa ila pagsulong.**

adlaw sang pagtrabaho sa kada panahon sang *kabyawan*, libre nga pagpaospital kag bulong kag iban pa nga basehang kinahanglanon. Nabalik ang serbisyo sang kuryente sa mga komunidad nga gin-utdan sang CAT sang magdesisyon ang mga mamumugon nga magwelga. Nagpasugot man ang maneydsment nga magbulig sa pagtapna sa anuman nga tuyo sang militarisasyon sa mga komunidad sang mga mamumugon kag mamumugon sa uma. Nabuksan pa ang isyu sang nagahana nga pagbaylo-gamit sang duta sa asyenda. Madinalag-on nga natapos ang welga sa sulod sang isa ka simana.

Mga kadalag-an kag leksyon

Nangin yabi sa kadalag-an sang welga ang militanteng panindugan

sang mga mamumugon sa panahon nga ginapahina sang mga dalag nga gawi sang mga oportunistang lider ang ila unyon. Nangibabaw ang mga mamumugon bangud kapot nila ang husto nga paganalisa, desisyon nga magbatu kag maayo nga mga taktika nga lubos ginsuportahan sang pangkabilugan nga katapuan kag iban pa nga pumuluyo.

Lubos nga nahayag kag nahamulag sa proseso sang pagbatu kag welga ang korapsyon kag pagpakighimbon sa maneydsment sang pila ka pinuno sang unyon. Paagi sa nagapadayon nga pagpaathag, napamatukan sa katapuan ang kalainan sang ekonomismo kag iban pa nga impluwensya sang dalag nga unyonismo nga madugay na nga nangin sablag sa ila pagsulong. Bangud sini, labi nga nahakos ang tunay nga unyonismo sa katapuan kag nabuksan ang oportunidad agud dugang mapataas ang ila makasahing kamuklatan.

Ang lapad kag militansya sang ila napahulag nga pwersa amo ang pinakadaku nga bulig sa ila pagbatu. Napamatud-an sang mga mamumugon sang CAT nga mahimo ilunsar ang independyente nga pagpakignegosasyon sa maneydsment nga wala ginalimitahan sang mga burukratiko kag kontra-mamumugon nga polisiya kag proseso sang DOLE. Maayo nila nga nagamit kag napadipuslan ang kusog kag impluwensya sang ila unyon sa lokal nga pulitika, ang maayo nga tiempo sang welga kag mga partikular nga sirkumstansya pang-ekonomya kag pangpulitika sang

1. Ginagamit sa masami ang AJ ukon Assumption of Jurisdiction agud ideklarar nga ilegal ang welga kag pwersahon ang unyon nga makignegosasyon bisan pa ang welga may lehitimo nga mga basehan kag nag-agi sa mga ligal nga proseso. Diri ginaangkon sang sekretaryo sang DOLE ang kinamatarung resolbasyon ang mga isyu sang welga. Nagapagguwa ini sang mandu balik-trabaho kag ginagamit ang pulisya agud ipatuman ini.

2. Bangud Sabado kag Domingo ang masunod nga adlaw, wala sang upisyal nga makapapanaog sang AJ order sa mga mamumugon.



asyenda kag sang pamilyang Cojuangco. Sa sini, nangin mas madasig kag mas pleksible ang negosasyon.

Ang welga nga nag-umpisa bilang welga sa CAT nag-abot sa welga sang bilog nga asyenda. Ginpalapad kag ginpadaku ini sang partisipasyon, magkatuwang nga pagplastar sang mga demanda kag pagpakignegosasyon sang mga mamumugon sa uma sang asyenda kag ila mga komunidad.

Dugang nga napalapad kag napalig-on sini ang mga angot kag alyansa sa iba pa nga sektor kag pwersa sa sulod kag guwa sang asyenda. Direkta nga nagpasakup sa mga paghulag ang katapuan sang militanteng unyon sa asyenda, mga organisasyong

masa kag nahanungang pwersa. Nagbulig sa pagdepensa sa mga nagawelga ang mga kapitan sang barangay sa sakup kag katambi nga asyenda paagi sa pag-abang sa mga nagalapit nga militar. Nagbuhos ang suporta halin sa mga estudyante, mga nahanungang pwersa kag pati mga nakaalyado nga lokal nga pulitiko.

Indi lamang ang pagbatu sang isa ka unyon sa isa ka maasab nga burges-kumprador ang ginbandera sang welga sa CAT kag Hacienda Luisita, kundi ang away sang sahing mamumugon, katimbang ang sahing mangunguma, sa dalagku nga agalon nga mayduta-burgesya kumprador kag sa mga polisiya sang reaksyunaryong gubyerno.

AB

Mga liku-liko sa away sang mga mamumugon sa Lepanto Mining


Nag-abot sa halos lima ka bulan ang away sang mga mamumugon sa maneydsment sang Lepanto Consolidated Mining Corporation (LCMC) bag-o nila madinalag-on nainsister ang ila mga demanda. Halin Nobyembre 2002 tuhtub Marso 2003, nag-agi sa marikot nga proseso ang paghinang sang kusog sang mga mamumugon, katuwang ang ila mga pamilya, komunidad kag mga tagasuporta. Ginpamunuan ini sang bag-o nga napilian nga militanteng liderato nga nagbulos sa nauna nga dalag nga liderato.

Ang LCMC ang pinakamadaku nga prodyuser sang bulawan kag saway sa pungsod kag may 2,586 nga kusog sa pagtrabaho. Nagakita ini sang \$47 milyon (masobra P2.54 bilyon) kada tuig sa eksport. Nakabase ang operasyon sini sa Mangkayan, Benquet.

Pangunahon sa mga ginahimakan sang mga mamumugon amo ang polisiya sa kontraktwalisasyon sang kumpanya, pilit nga pagtrabaho sa mga pista upisyal, pag-obligar sa mga mamumugon nga magsulod sang mas temprano sangsa ila regular nga iskedyul, indi paghatag sang ila pamaskwa nga bonus, indi pag-agi sa

nagakadapat nga proseso kag gilayon nga pagpahalin sang mga mamumugon nga ginadudahan sang "high grading"¹ kag iban pa nga di matarung nga pag-sulundan sang maneydsment lakip ang pila ka prubisyon sang ila collective bargaining agreement.

Ginkasa nila ang ila welga sadtong Pebrero 1, 2003, pagkatapos ang serye sang mga kapaslawan sa pagpakignegosasyon sa maneydsment kag pila ka simana nga pagtipon sang kusog, pagpalig-on sang gin-isahan kag



paghanda sa away sa paagi sang paglunsar sang mga ululupod nga paghulag.

Gindeklarar sang LCMC nga iligal ang welga paagi sang Assumption of Jurisdiction (AJ) sang DOLE kag ginmanduan ang mga mamumugon nga magbalik sa trabaho. Ang mga indi nagsunod gilayon nga ginpahalin. Sa baylo nga malingkang, ginsupak sang mga mamumugon ang order sang

¹Pagpalusot sang high grade ukon mataas nga grado nga balas nga nagaunod sang bulawan.



DOLE kag malig-on nga ginpadayon ang welga.

Sa sulod sang isa ka bulan nga nakatindog ang welga, pila ka beses gintuyo sang maneydsment sang LCMC nga bungkagon ang piketlayn paagi sa lokal nga pulisya. Gintilawan man sang kumpanya nga magpasulod sang mga iskirol pero ginpaslaw ini sang mga welgista. Madamo nga mamumugon ang ginbakol, ginharas kag madamo man sa ila ang iligal nga gindakup kag ginhu-nong.

Kadungan sini, ginbunit kag ginpresyur sang maneydsment ang pamunuan sang unyon agud magpirma sa isa ka di matarung nga kasugtanan kon sa diin wala sa anuman nga kunsasyon nga ihatag sang LCMC, kundi ang pagpahanugot nga pabalikon sa trabaho ang mga mamumugon kag ang promisa nga pagahambalan sang mga mamumugon sa kundisyon pahalinon ang bilog nga liderato sang unyon. Bangud sa wala-kahandaan sang pamunuan sang unyon kag sa pagpati sang presidente sang unyon nga mahimo "isakripisyo" ang pamunuan alang-alang sa interes sang mga mamumugon, napilitan ang presidente nga magpasugot sa Memorandum of Agreement (MOA) sang LCMC nga nagakahulugan sa pagsurender sang welga.

Pero sang ginpresentr ini para aprubahan sang pangkabilugan nga miting sang mga myembro, malig-on silang naghilisugot nga ibalewala ang kasugtanan. Tigaylo, dugang pa nila ginpalig-on ang ila kubay kag ginkasa ang ikaduha nga sikad sang away. Bunga sini, bumaskog ang buot kag mapainubuson nga nagsaway sa kaugalingon ang presidente sang unyon, kag malig-on kag tayuyon nga sumuporta sa solido kag deter-



minadong pag-away sang masang mamumugon.

Samtang, padayon ang hatag sang suporta sang pumuluyo sa komunidad, sang simbahan, mga organisasyon sang mangunguma, mga lokal nga sanga sang Bayan Muna kag iban pa nga grupo. Nagpadala sila sang pagkaon, nagbalay-balay sa mga komunidad sa palibot agud magpaathag kag mangalap sang dugang nga suporta kag magpasakup sa mga rali kag piket sang mga mamumugon kag iban pa nga paghulag sa guwa sang minahan.

Bisan nga nagserbi nga abugado kag idu-idu sang LCMC ang mayor sang Mankayan, mas malapad ang nakuha nga suporta sa mga mamumugon halin sa mga lokal nga gubyrno sa Benguet, lakip ang bug-os nga Association of Barangay Councils sang Mankayan, ang mga lokal nga gubyrno sa mga katambi nga munisipalidad, amo man si Gov. Raul Molintas.

Sa bulig ni Gov. Molintas, napilitan man ang maneydsment nga areglado naatubang ang mga tiglawas sang mga mamumugon, gin-atras ang nauna nga plano nga MOA kag makigpaareglo sa mga mamumugon.

Mga kadalag-an

Ang welga nga ini amo ang una nga welga batuk sa maneydsment

sang LCMC sa sulod sang 54 tuig. Ang labing ulihi sadto pang 1949 kon sa diin ginpamilit sang mga mamumugon nga pataason ang ila sweldo kag kilalahon ang ila unyon. Ini man ang una nga kahigayunan nga nagluntad ang matuod, nagabatu kag patriyotikong unyonismo sang mga mamumugon sa sulod sang malawig nga panahon. Sa proseso sang welga, napanday ang kalig-on sang mga mamumugon kag ila mga pamilya kag nabuyok ang ila komunidad kag kalapit nga mga komunidad nga suportahan ang away sa pinakadaku nga kumpanya sang pagmina sa pungsod.

Pagkatapos sang welga, nabalik sa trabaho ang tanan nga ginpahalin nga mamumugon. Nahisugtan sang mga mamumugon kag sang LCMC nga indi maghimo ang kumpanya sang anuman nga balos nga tikang batuk sa mga mamumugon. Dugang diri, nainsister sang mga mamumugon nga iregularisa ang tanan nga kaswal nga mamumugon pagkatapos ang ila mga kontrata. Nakasugtan man ang iba pa nga halambalanon nga ginpresentar sang unyon.

Nahakos sang mga mamumugon ang importansya kag gahum sang ululupod nga paghulag para sa ila interes. Sa sulod sang pila ka simana napamatud-an nila nga ini ang pangunahon nga paagi sa paghimakas unyon. Wala kahadlok nga ginsupak nila ang nanarisaring padihot sang maneydsment kag desisyon sang DOLE agud paslawon ang ila paghimakas. Sa amo nga pamaagi, naeksperensyahan nila ang demokrasya sa ila kubay, epektibo nila naatubang ang mga maniobra kag kalakasan sang kapitalista kag estado sa piketlayn kag naagum nila sa pangkabilugan ang ila mga demanda.

AB

Iligal na detensyon sang mga aktibista sa Baguio, kinundena

GINKUNDENAR sang Chadli Molintas Command-BHB (CMC) ang iligal nga pag-aresto kag pag-butang-butang sang mga kaso sa duha ka myembro sang progresibong organisasyon sa Ilocos Sur. Gindakup sang mga elemento sang MIG sadtong Hunyo 22 sanday Evelyn Bedana kag Josephine Perez sa Baguio City, gindala sa isa ka *safehouse* kag gintortyur agud paakuon mga katapu sang BHB kag may mataas nga katungdanan sa Partido Komunista sang Pilipinas.

Si Bedana naga-obra sa Solidarity of Peasants against Exploitation (STOP-Ex) nga nagabulig sa mga mangunguma nga nagatanum sang tabako sa Ilocos. Si Perez *regional coordinator* sang College Editors' Guild of the Philippines (CEGP)-Ilocos. Ginpakamalaus sang CMC ang akusasyon sang militar nga ang duha imbolbado sa pagpatay sa mayor sang Tineg, Abra, pagpalupok sa rebulto ni Marcos sa Baguio (2002), ambus sa mayor sang Sta. Lucia, Ilocos Sur (2001), pagpatay sa traidor nga si Conrado Balweg (1999) kag madamo pa nga iba.

Samtang, ginhilway na sining Hulyo 1 si Marie Flor Ramos, ginapasibangdan nga BHB kag gindalahig sa ambus sa mga tropang militar sadtong Enero 4 sa Palian, Tupi, South Cotabato.

Ginmandu sang korte nga dulaon ang kaso ni Ramos bangud sa wala sang malig-on nga ebidensya. Ginkuot siya sang wala makilala nga mga tawo sa Quezon City sadtong Marso 24. Pila ka simana siya nga gindingutan sang kinamatarung makig-angot sa sino man, pati sa iya abugado kag pamilya.

Indi imbolbado ang BHB sa iligal nga droga-PKP

SA isa ka pahayag sining Hulyo 6, ginpanginwala sang PKP paagi kay Gregorio "Ka Roger" Rosal ang akusasyon ni GMA nga imbolbado ang BHB sa mga operasyon sang iligal nga droga kag pagmentenar sang mga plantasyon sang marijuana sa mga sonang gerilya.

Ang akusasyon ni GMA ginpagguwa sa tunga sang madinalag-on nga taktikal nga opensiba sang BHB kag sa tunga sang pakitang tawo nga kampanya kontra-droga sang rehimen. Suno kay Ka Roger, ang AFP, PNP kag mataas nga upisyal sang gubyrno ang sa kamatuoran amo ang sa likod sang negosyo sang iligal nga droga sa pungsod. Siling niya, masobra 215 nga dalagku nga sindikato sa droga sa pungsod ang ginaprotektahan sang mga ini.

Suno kay ka Roger, magagmay nga pusher, user kag mga inosenteng biktima lamang ang ginadakup sa pakitang-tawo nga kampanya sang rehimen.

Sa pihak nga bahin, umpisa pa nga gintukod ang BHB, pursigido kag epektibo ang kampanya sini batuk sa iligal nga droga labi na sa mga erya nga ginahulag sini. Suno kay Ka Roger, bunga ini sang mga pagtinguha sang PKP-BHB kag bilog nga rebolusyonaryong hublag nga aktibong maglunsar sang mga pangmasang kampanya pangpulitika kag edukasyon batuk sa paggamit sang iligal nga droga.

Sa isa ka pahayag ni Jorge "Ka Oris" Madlos, tagapamaba sang NDF-Mindanao, ginsiling niya nga ginakangil-aran sang BHB ang iligal nga droga kag wala bisan san-o nadalahig diri ang Hangaway. Suno kay Ka Oris, may nadiskubrehan ang BHB nga tanuman sang marijuana sa pila ka detasment sang militar nga ginreyd sang Pulang hangaway sa mga nagligad nga tuig.

Gubernur ng Zambales, inaresto ng BHB

GIN-ARESTO sang isa ka 12-katawo nga iskwad sang BHB si Gov. Vicente Magsaysay sang Zambales sa iya ginahukmugan nga balaybakasyunan sadtong Mayo 25. Bangud sa kakibot, wala makabato ang gubernador, amo man ang iya anum ka badigard kag mga pulis nga upod nila sadto.

Suno kay Jose Agtalon, tagapamaba sang Josefino Corpus Command (JCC), gin-upod sang BHB si Gov. Magsaysay agud estoryahon nahanungod sa sari-sari nga reklamo sang mga mangunguma kag mamumugon sa Iba, Zambales. Lakip sa mga reklamo ang pagpalayas sa mga mangunguma sa Barangay Barbara, Iba kag indi paghatag sang

sweldo, mga bonus kag benepisyo sa mga obreros diri. Pilit man niya ginapatrabaho ang mga mamumugon sang 24 oras nga wala *overtime pay*. Gin-athag sang JCC nga lehitimong target-militar si Gov. Magsaysay bangud sa iya mga kasal-anan sa pumuluyo kag pagmentenar sang pribadong army kag daku nga armori.

Sa amo man, ginhilway man siya sang BHB agud hatagan kahigayunan nga magbag-o. Nakumpiska halin sa ila ang isa M60, duha M14, duha M16, isa ka M203, apat ka pistola kag sarisaring mga bala. Nakuha man sa ila ang apat na *radio transceiver*, isang *base radio*, pito nga *cellphone* kag isa kamera.

Welga, nagahana sa Cosmos

NAKATALANA nga magwelga ang mga mamumugon sang Cosmos Bottling Philippines batuk sa panguripot sang tag-iya sang kumpanya nga si Eduardo "Danding" Cojuangco. Naka-*deadlock* subong ang negosasyon para sa ila CBA. Upod sa ginapamatukan sang mga mamumugon amo ang padihot ni Cojuangco nga kuhaon ang ila *seniority pay* nga madugay na nila ginabaton kag *signing bonus* nga P10,000 kada obrero. Gusto man ni Cojuangco nga ilansang sa P40 kada adlaw lang ang igadugang sa ila sweldo sa sulod sang tatlo ka tuig nga gintakda sa ulihi nga CBA ang pagdugang sang P50 sa basehang sweldo sa sulod sang duha ka tuig.

US PACOM, nagpangusisa para sa deployment sa Albay

KATORSE ka Amerikano nga pwersa militar sa idalom sang US Pacific Command (USPACOM) ang nagbisita sa Legaspi City sining Hunyo 20-28. Ginpamunuan ni Col. Cipton Tarenaka ang isa ka tim. Gingamit nila nga prente ang Disaster Preparedness and Mitigation Assessment Program sang US PACOM. Misyong kuno sang grupo nga maghimo sang madaluman nga pag-tasar sa kahandaan sang lugar batuk sa paglupok sang bulkan, pagbaha,

Ginapamatukan man sang mga mamumugon ang polisiya nga kontraktwalisasyon sang kumpanya. Sugod nga sa kamot ni Cojuangco ang Cosmos sad-tong 2001, nag-untat na ang pagregularisa sa mga bag-o nga mamumugon kag amat-amat nga ginabayluhan sang mga kaswal ang regular.

Agud pungan ang welga, dungan nga nagpamahog kag nanuhol si Cojuangco. Sining una nga simana sang Hulyo, nagpagguwa na sang Department of Labor and Employment sang mandu nga Assumption of jurisdiction (AJ) agud ideklara nga iligal ang welga, antes pa man ini malunsar.

tsunami (dalagku nga balod sa dagat) kag iban pa nga kalamidad.

Ang matuod, ang pagkadto nga ini sang US PACOM may katuyuan nga usisaon ang lugar para sa ginaplano nga pagdeploy sa Albay sang mga tropang Amerikano para sa mga paghanas-militar kag iban pa nga aktibidad sa idalum sang Visiting Forces Agreement (VFA). Ginalikawan sang US nga nabuyagyag sa midya ang pagbisita nga ini agud indi mangin kontrobersyal.

Bishop Antonio Fortich, 89

PUMANAW sining Hulyo 2 si Bishop Emeritus Antonio Fortich sang Bacolod City. Nagapauigon siya sang 89 anyos.

Si Bishop Fortich kilala sa tawag nga "Obispo sang mga imol." Bantog siya nga tagasakdag sang interes sang mga mangunguma kag mumumugon sa uma. Nagsuporta siya sa paghimakas para sa tunay nga reporma sa duta. Upod siya sa pagbatu sang pumuluyo sa layi militar, partikular sa masingki nga militarisasyon sa Negros. Bangud sa iya panindugan para sa mga ginapigos, si Bishop Fortich nangin malapit sa rebolusyonaryong hublag. Sa isa ka panahon nangin adbayer siya sang National Democratic Front. Lakip sa mga nagpasidungog sa iya amo sanday Ka Luis Jalandoni, Consuelo Ledesma, Frank Fernandez kag Gregorio "Ka Roger" Rosal.

Demolisyon sa Baclaran, ginkundena

Ginpamunuan sang Bagong Alyansang Makabayan-NCR ang isa ka rali sa upisina sang MMDA sining Hulyo 7 agud kundenahon ang brutal nga pagbungkag sa mga pwesto sang mga manugtinda sa Baclaran, Roxas Blvd. kag Coastal Road. Isa ka manugtinda ang napatay sang luthangon sang mga tinawo sang MMDA sa demolisyon sining Hulyo 6. Ginpangguba sang MMDA ang mga pwesto, binubuan sang gasolina ang mga ginatinda kag ginpanglampusan sang batuta ang mga manugtinda.

South Korea kag Germany, ginatay-og sang mga welga

GINATAY-OG subong sang mga welga sang mga mamumugon kag empleyado ang South Korea kag Germany.

South Korea. Naglunsar sang separado nga untat-trabaho ang masobra 100,000 nga obreros diri. Ginapamatukan sang 22,000 mamumugon nga myembro sang Korean Railway Workers' Union ang plano nga *restructuring* sa kumpanya. Ginapamatukan naman sang 8,000 trabahador sang Chohung Bank ang plano nga pribatisasyon sang bangko. Samtang ginapamilit sang 80,000 mamumugon sa 100 planta sang Hyundai Motors Company nga buhinan ang ila oras sa pagtrabaho halin 40 pakadto sa 36 oras kada simana.

Germany. Sa pagpamuno sang IG Metall Industrial, pinakadaku nga unyon sa industriya sang salakyan, halos isa ka bulan na nga nagawelga ang mga mamumugon sa BMW kag Volkswagen. Ginainsister nila nga panubun sang kumpanya ang ila oras sa pagtrabaho halin 38 pakadto sa 35 oras kada simana.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXIV No. 11
Hulyo 7, 2003
www.philippinerevolution.org

Editoryal

Bunalan pa ang rehimeng Arroyo sang mga taktikal nga opensiba

Ginapanginbulahan sang Partido Komunista sang Pilipinas (PKP) ang isganan nga mga Pulang kumander kag hangaway sang Bag-ong Hangaway sang Banwa (BHB) sa madinalag-on nga taktikal nga opensiba nga ginlunsar sa nagkalain-lain nga bahin sang pungsod sining nagtaliwan nga tatlo ka simana.

Ginakalipay sang mga rebolusyonaryong pwera kag masa sa bug-os nga pungsod ang nagabanaag nga mga taktikal nga opensiba sang BHB sa Samar kag Compostela Valley nga nagresulta sa pag-agaw sang madamu-damo nga numero sang armas kag pagpapas sa mga pasistang tropa sang kaaway.

Ang mga ini nagasanto sa pangkabilugan nga rebolusyonaryong linya kag sa panawagan sang ika-11 Plenum sang Komite Sentral sang PKP nga pasingkion ang rebolusyonaryong armadong paghimakas sandig sa paglapad kag pagbaskog sang rebolusyonaryong baseng masa kag kadungan sa pagpasulong sang antipyudal nga paghimakas sang masang mangunguma sa kaumhan.

Kongkretong sabat ini sa mabaskog nga kagustuhan kag kinahanglanon sang pumuluyo sa tunga sang tuman nga pagpanghimulos kag pagpabudlay sa ila sang reaksyunaryong rehimen. Ang mga taktikal nga opensiba nga ini kabahin sang pagpasingki sang nagkakalain-lain nga tipo sang pagbatu sang pumuluyo sa papet, militarista kag garuk nga rehimeng Arroyo.

Ang pagpasingki sang mga taktikal nga opensiba kinahanglan man agud maarmasan ang hangaway sang banwa kag dugang pa ini nga mapadaku, mapabaskog kag mas makasabat sang maayo sa nagadaku nga katungdanan sa pagpasulong sang inaway banwa.



Ginapakita sang mga ini nga napaslawan ang militarismo kag ang ginapabugal nga “all-out war” sang rehimeng Arroyo batuk sa BHB. Bunga sang mga kadalagan sang Ikaduha nga Dungganon nga Kahublagan Pagpanadlong kag bilang pamatuod sa kahustuhan sang linya sang malapnagon kag nagaikit nga pagpakig-away gerilya sandig sa nagapalapad kag nagapadalom nga baseng masa sa subong nga halintang sang paglunsar sang madugayan nga inaway sa Pilipinas, padayon nga nagabaskog ang BHB sa bug-os nga pungsod. Nagaangkon ini sang nagapalapad nga suportang masa kag nagaani sang padayon kag nagadamo nga kadalag-an. Labi nga nagadasig ang pagsulong sini bunga sang labing pagkahamulag sa masa sang reaksyunaryong gubyrno sa nagatinambak kag indi malubad-lubad nga mga problema. Labi pa ini nga ginapalala subong sang nagabug-at nga ob-

***Mga tampok sa
isyu nga ini...***

**Nagalapnagon, naga-
sunson ang mga TO sg
BHB**
PAHINA 3

**Rebolusyonaryong
unyonismo sa Central
Luzon**
PAHINA 5

**Away sg mamumugon
sa Lepanto Mining**
PAHINA 9